

عالم اسلامده تظاهرات

با کورده :

با کورده عثمانی شهیندرخانه سی طرفندن (هلال احمر) منفعتنه آچیلشمش اولاق اعانه دفتری مناسبتیه با کولی اسلام برادر لر مزك ابراز ایتکده اولدقلری آثار اوت وارد اولان خصوصی مکتوبلردن آکلاشیلینی وجهله حقیقتاً شایان قید و تدکاردر . مکتوبلرده شهیندر خانه جه طویلانیلان پاره نك نه مقدار تشکیل المدیکنه دأثر صریح بررقم کوستریلیورسه ده هر حالده کلیتلی بر مقدارده پاره طویلانیلمش اولدینی تخمین ایدیلیور . اصل معرفت پاره نك مقدارنده دکل ، بومناسبتله ابراز اولدق تظاهرات معنویه اسلامیه ده در . آکلاشیلان با کورده و ملحقاننده هلال احمر اعانه سنه زنکین ، فقرا ، کویلو ، شهرلی ، عمله ، ارکک ، قادین هر کس اشتراك ایتکده در . مختلف اصناف اهالی طرفندن شهیندرخانه به اعانه و یرمک اوزره کلن ارباب حیت طرفندن موجب تأثر بر طاقم تظاهرات واقع اولیور . فقرا ، زنکین ، اختیار ، چوجق ، قادین بریکدیردکاری پاره لری هلال احمره و یریلورلر . هله کویلولرک ، عمله لرك طاقم طاقم شهیندرخانه به کله رك آرلرنده طویلادقلری پاره لری تسلیم ایدهرک فرط تأثرلرندن آغلامه لری ، شهیندرافندینکده اولنله برابر اشکریز تأثر اوله لری نه قدر بونیوک ، نه قدر صمیمی بر « اخوت اسلامیه » منظره سی تشکیل ایدیور .

ایرانده :

طهرانده نشر اولنان « آفتاب » غزته سی بالقانلر محاربه سی مناسبتیه یازمش اولدینی « ایران و عثمانی » عنوانی بر مقاله سنده صوک سنه لر طرفنده دیناً ، تاریخاً یکدیگریته مربوط اولان بوا یکی اسلام مملکتنده وقوع بولان وقایع سیاسیه میاننده بر مقایسه یاهرق « عثمانیلرده شیخ ادریس وارسه بزده ده رحیم خانلر واردی » دیه بر مشابیه تامه بولیور ، ممالک عثمانیه نك شمیدیکی حالده اوروپا دول خرسینییه سی طرفندن تضییق ایدلیدیکی ده تام ایرانک روس اولتیا توملری زیر تهدیدنده آزملدیکی کونلره بکزه دیور ؛ وصوکره بویه مشکل زمانلرده ممالک اسلامیه نك یکدیگریته یاردم ایتهلرینک تحت وجوبده اولدیغی در میان ایدهرک کمال تلف و تأسفله ایرانک دوچار اولدینی فلاکت مؤسسه معلومه سندن طولانی کندیسيله هم حدود اولان قومشو اسلام دولته مع التأسف ماده معاوند بولونامیه جفنی بر آورده لسان تأثر ایدرک ، مع مافیه بویه بر آنده بوتون ایرانیلرک معنا عثمانیلرله برابر ، اولنلرک آلاميله متالم ، مسرتلرله مسرور اولدلرینی برادرانه وصمیمانه بیان ایدیور .

روسیا ده :

روسجه غزته لرك « هلال » و « اسلامیت » علیه مفتریانه وعداوتکارانه نشریاتلرینه قارشى مسلمانلرک پروتستو ایدهرک ۲۰ ملیون روسیا اسلاملری حسیاتنک نظر اعتباره آلمه سی لزومندن بحث ایتش اولدقلرینی تلغرافلر زبر و یرمش ، « سبیل الرشاد » ده بونی درج ایلشدی . بوکره آلدیغمز روسجه غزته لرده پروتستونامه نك عینته تصادف ایدرک بروجه آتی ترجمه ایدیورز : « بالقانلرده اسلاو حکومتلرینک عثمانیلرله قارشى اعلان ایتش اولدقلری محاربه دن بری ، هر کون نشر اولنان روسجه مطبوعاتده ، - مثلاً « روسقویه . سلوو » کبی - حریت پرور تلقی اولنان غزته لرده بیله مخالف بشریت حسیاتله تلقین اولنان بر طاقم نشریاته تصادف اولنیور .

« غزته لر متوالیاً اسکی مجموعه تواریندن بر جوق عنوانلری میدانه چیقاردق بین الاهالی وحشیانه حسیاتی غیجقلایلورلر . بالقان دولتلرینک عثمانیلرله قارشى اعلان ایتش اولدقلری حرب ، دشمن بشریت اولان بو محررلرک قلملریله [صلیب ایله هلالک تاریخی بر محاربه سی] شکنه وضع اولنیور .

« روسیاده هلاله احترام ایدن ۲۰ ملیون اسلام وارددر . بو اهالی مسلمانلره قارشى فیرلاتیلان حسیات عداوتکارانه یی - که هر طرفندن رد اولونه رق روس ملتک قلبکاهنه صاجیلیور - تام بر دقله تعقیب ایدیور .

« بوتشویقات ملتک بعض طبقاتی آراسنده نه کبی تأثیرات اجرا ایدیور ؟ عجبا بو حال ، « مؤسف بر سوء تفاهم » دیه یاد اولونان وقواعة میدان و یرمشی ؟ عجبا ، بو وقته قدر صلح و صلاح ، اخوت و اعتماد موجود اولان محیطلره بو نشریات ، نفرت و عداوت صوقازمی ؟

روسیانک اساس عظمتی ، تورانه ، انجیله ، یاخود قرآنه تابع اولانی تفریق ایتکسزین بتون روسیا داخلنده یشایان ملتک متحده و برادرانه یشامه لرنده کوردیکمزدن ؛ اسلام علیه و واقع اولان هر تعریضاتی ، باخصوص « هلال » قارشى محاربه ایتک اوزره « صلیب » ک دعوت اولونه سنی هم مغایر حقیقت ، هم ده فوق العاده مضر بولورز .

« بزاولیه تصور ایدیورز که روس ارباب معارفی و منور قسمی مسلمانلرک اسباب هیجانی تقدیر ایدر و سنی اهالی بیننده منافرت دینه تولید ایدن غیر لایق نمایشلره قارشى یوکسلر . روس افکار عمومیه سنه مراجعت ایدهرک ، بزیزرده وضع امضا ایدن مسلمانلر ، اولنک معاودتی بکلر و امید ایدهرز که ، خلقک حسیات مظلمی عنوان یوم ایدنلری اوتاندریر . »

ارکک وقادین ۳۷ امضا

چینده :

طرابلس غرب جهادی مناسبتیه حیت اسلامیه لرینی ابراز ایدهرک معاونت تقدیه ده بولنش اولان کاشغر اهالی اسلامیه سی طرفندن بالقان محاربه سی اعانه سی اولدق (اقدام) مطبعه سی واسطه سیله ۳۳۸ لیرا و ۱۴ غروش حربیه نظارتنه کوندیلشدر . او قدر اوزاق بر محلدن بو قدر چایق بر اثر اخوت کوسترن کاشغرلی قرداشلر مزك اشبو تظاهرات حیت مندانلری کندیلرنده اخوت اسلامیه حسنک نه درجه عالی اولدیغنه برهان جلی در . وار اولسونلر .

هندستانده :

بومایدن « تایمس » غزته سنه اشعار اولندیغنه کوره هندستانک هر طرفنده ترکیا حقنده اسلاملرک حسیات توجه کارانه سنه دأثر خبرلر ورود ایتکده در . هلال احمر نامه اعانه جمعی ایچون بر جوق متینغلر عقد اولنقده در . سیر قوریمبول ابراهیم بومایده عقد اولنان بیوک بر متینغه ریاست ایدرک مذکور متینغ انکلیز بایراغی آلتنده یاشایان اقوام مختلفه آره سنده موجود وفاق واتحاده دلیل جلی اولدیغنی بیان ایتشدر . هندولر ایله پارسیلر دخی متینغده حاضر بولنوب مبالغه جسیمه اعطا ایتشدر . دیگر ناطقه پردازلر محاربه حاضریه بالقان حکومتلری طرفندن بررنک مذهبی و یرلسندن طولانی بیان تأسفله ترکیانک قدسده کی مسلکی ایله بالان حکومات متفقه سی طرفندن تعقیب اولنان مسلکک بر یرینه طبان طبان ضد اولدیغنی سویه مشلدر . (تایمس اوف ایندیا) غزته سی هند مسلمانلرینک انکلتیه پک بیوک بر اعتمادلری بولندیغنی بیان ایتشدر . بوجهل دن اوله رق ممالک عثمانیه نك محافظه تامیت ارضیه ایچون انکلتیه مراجعت ایدلسنه متینغده قرار و یرلشدر .

رومایاده :

دوبریجه نك کوستنجه سنجانغی اهالی اسلامیه سی طرفندن ۳۰،۰۰۰ فرائق راده سنده اعانه جمع اولوندینی کبی ، اسلام خانلری طرفندن ۵۰ بر جوق کوملک ، طون ، جوراب وسائر غزاة اسلامیه به اهلا ایدیلشدر . اعانه درجه دوام ایدیلکده اولدینی ده مستخبردر .

آلمانیا ده :

آلمانیه نك استوتغارت شهرنده بولونان آره صره سبیل الرشاده مهم مکتوبلر ومقاله لر کوندرن خیرالین پک افندی ایله اوراده بولنان دیکربش ، التی عثمانی طرفندن ایکی یقی لیرای عثمانی اعانه درج ایدلرک جریده صر واسطه سیله هلال احمر جمعیتنه کوندیلشدر .

قفقاسياده :

متفق بالقان اردولريله متحد خرسيتيان افكار عموميه سنك خلافت اسلاميه قارشى آچدقلى حرب صليب قفقاسيا اسلاملى ميانده فوق العاده بر هيچاني موجب اولمدر . اشبهيجانك بر دليل ظاهري وسياسي اواق اوزره قفقاسيا ولايتلرنده انتشار ايتمش اولان آتيده كي انتباهنامه يي كله لره عائد جزئي بر شيوه تغييريله درج ايدىورز :

مسلمانلر ، دينداشلر !

بوكون صحنه عالمده بالجه ملل واقوامك انظار تحوير واستهزاسي التنده اسلام عالمي فاجعه الينك صوك برده دلخراشي غم واكدار بي نهايه ايله بترمك اوزره در .

بووقته قدر كنديلرني متمدن عد ايدن آوروپايي يام لر اسلام عالمك جميع اعضاسني آزييور وهرگونه تحقيردن چكينه يور ايديلر . اميد وار ايديلر كه ، عالم اسلامك قلبي منزله سنده اولان خلافت عثمانيه ناخوش انسان كي بو قدر ضربه لر دن صكره چار ناچار دوام ايدم يوب محو و نابود اوله جقدر . لكن اعلان مشروطيتدن صكره اونلر كنديلرينك يا گلش اولدقلىني ، خلافت عثمانيه نك يكي دن قوتلنديكني كوره رك دهشته كاديلر . وعالم اسلامك كيت كيده ترقى ايدم جكني تيغن ايتديلر . خيال باطللر نه كوره مسلمانلر حقنده روا كوردكلى اذا ، جفا و خيانتلر جزاسني طانه جقلىني دوشونديلر . اوكا كوره طرابلس ، بوسنه هر سك ، شيمدى ده بالقان مسئله سني چيقاروب هر طرفدن طويلر ، تفككر ، بومبالر ، خنجر و نيزه لرني آله رق عالم اسلامك قلبنه صايلاديلر ؛ اوني پارچالامق وتماماً بايمال و مضمحل ايتك ايسته يورلر .

دينداشلر ! بيليكز و آكا ، اوليكز كه بزم يكانه اميدمن ويكانه چاره نجاتمز تركيانك تماميت ملكيه سي واونك ترقيسندده در . اكر بزشمدي ده كنديمزك اولكي حسسزلكمزدن واز كچه زسه ك ، شمدي ده عقلمزي قوللانه مزسه ق ، بو يوزدن دنيانك كوزي اوكنده حق انسانيت ، اسلاميت وملتيمزي غائب ايدوب اغياره آجير ، تابع وعادتا اسير اولاجغمز شك وشبهه دن عاريدر .

بزم بو قدر حيتسزلك وفعاليتسزلكمزه جهالت و اويوق دخی ديمك اولمز . زيرا بويله كورولتيلر اويوياني دكل ، اولوي بيله آيلدير . آكلاميورز ديمك ده اولماز ، چونكه بونده آكلاشلماز برشي يوق . بو خصوصه بيو كدن ، كوچو كدن ، كويلودن ، حتى بدويدن ، هر كي مدن صورولسه قطعياً اسلام محو اوليور ، مسلمانلق كيدور ديه جواب ويره جكدر . شوراسني ده بيليكز كه اخلافز بزم بو قدر حسسزلكمزه ، بو قدر عطاत्मزه لغت خوان اوله جقلى و بزدن صوكره باغلىينه اوروپا وحشيلري طرفندن ن قدر ظلم وجفالر كله جك اولورسه ، سببي بزلر اولاجغز ، لغتلى بزه كله جكدر . بو وقته قدر قرآن عظيم الشانك (واعدوا لهم ما استطعتم من قوة ومن رباط الخيل) آيت كريمه سنه - كه بزم شمديكي حال اسف اشتمالزي نظراعتباره آله رق نازل اولمدر - اعتنا ايتيوب غفلت ايتشمز وجميع دنيا علملرندن ، جهاده حاضر لقندن

واز كچمشدك . هيچ اولمازسه بو حال اسف اشتمالدن صوكره جان واملزي فدا يله كنديمزي ، دين وملتيمزي ورطه هلاك وفلا كتدن خلاص ايدم . اكر شمدي ده جان واملزي دوشونوب اوز شرف وحيتتمز اوغورنده فدا ايتمزه ك ، كله جكده خرسيتيانلره و بزلره غالب اولانلره شرفسزلك ايله ويره جكز . شرفسز حياتندن ايسه شرف ايله اولمك دها بيوك شرفدر . بر باييكز خرسيتيانلره كه اطراف عالمدن كوكليلر ، پارلر ، اعانلر كوندريورلر . آمريقاشا كي اوزاق بر مملكتدن ايشلرندن ، كسبلرندن ال چكوب اسلامي محو ايتك ايجون بيكلره كليورلر . بز ايسه معاونته كيتميورز ، پاره كوندريورز دكل ، بر برمزي تلف ايدوب ، عيش وعشرتله مشغول اوليورز . پاره لر مزي اونلر ك فاحشه لري ايجون صرف ايدىورز . خرسيتيانلر بو محاربه يه « صليب ايله هلال » محاربه سي اسم ويرمشلر . حالبوكه بزم جوانلرمن كنديلرني اونلر ك قادينلرينك آغوشنه آتوب وار يوقلرني ده اونلر ك زينتلرينه صرف ايدىور ، جبيلرينه دو كيورلر . اكر بويله كيدرسه ، بز كنديمزك بي عار لغمزه دوام ايدرسه ك ، حال عكسي اولوب ده صوكره اونلر بزم عرض وناموسمزه ال آته جقلى . اي غيرتدن دم ووران كسلر . غيرتكز نروده قالدي ؟ بر كله كفردن اوتري اوز دين قرداشكي اولدورمكه حاضر سك . شمدي نه دن اقدام ايتيورسك ؟ وغيرتكى كوسترميورسك ؟ جميع عالم بيلور كه بو محاربه يي خلافت اسلاميه مالك اولان توركيابه آجان بالقانك كوچوك ووافق حكومتلري دكل در . زيرا شير نه قدر ضعيف اولسه ده چاقالار وتيلكيلىر اويله ياقين كلمكه جرأت ايدمزلر . بو ايشلري ايشلين انسانيت واسلاميتك دشمني و « ژاندارم عالم » لقبى ايله ماقب اولان شمال ... سي روسيه حكومت مستبد سيدر كه ، هر كون نه قدر لوازم صفيه ، اطباء ، اعانلر و كوكالى آديله بلوك بلوك نظاملر كوندريور .

شوساعتده بلغار ، صرب وقره طاغليلر ك نظامي صفرلنده حدسز ، حسابسز روس ضابطلري وطوپچيلري مبارزه ايتمكه در . عثمانليلر ك مغلوبيتي حقنده چكيان تلغرافلر ك اكثري مجهولدر . بر صورتله اونلر بر طرفدن روسيه دن حربه كيدنلره جرأت ويرمك ، ديكر طرفدن ده مسلمانلري قورقوتمق ايسته يورلر . عالم اسلامك باشنه كان بلالرك اكثرينه ، بلکه ده هپسهنه اشبهو ... و ... حكومت مستبد سبب اولمدر . ديكر مملكتلرده اسلام قرداشلرمن جان و مال وقسم ايله معاونتده بولندقلىر حالده بز روسيه مسلمانلري نه دن بر جاد كي طوگمشز ؟

البته مسلمان اولان كسلر ، حس دين وملتيتي اولان شخصلر ، بيضة اسلامي دين وملتيتي بو قدر دو چارسفالت وك قدر رذالت كورنجه غيرت مليه وحميت دينيه سي هيچانه كاوب قرآن عظيم الشانك دين احمدى ولواى محمدينك استقامت واستدامتي بولنده وارد اولان (ان الله اشترى من المؤمنين انفسهم واموالهم بأن لهم الجنة يقاتلون